



REPUBLIKA E SHQIPËRISË
KËSHILLI I LARTË GJYQËSOR

Nr. _____, Prot.

Tiranë, më _____, _____, 2021

Lënda: Kthim përgjigje

E.A.

Z. {...}

I nderuar z. {...}

Duke shprehur konsideratën për veprimtarinë e redaksisë suaj, në përgjigje të kërkesës tuaj për informacion të datës 17.03.2021, regjistruar me aktin nr. 1180 Prot., datë 17.03.2021, referuar nenit 14§2§b të Ligjit nr. 119/2014, “Për të drejtën e informimit”, ju bëjmë me dije si më poshtë:

- Sa është numri i gjyqtarëve aktual në detyrë në raport me organikën totale, shkallën e parë dhe apel ?

Referuar Dekretit të Presidentit të Republikës nr. 7818, datë 16.11.2012, i ndryshuar, numri i gjyqtarëve në gjykatat e shkallës së parë dhe të apelit është 389, si vijon:

✚ Në gjykatat e shkallës së parë, sipas dekretit janë 287 gjyqtarë, në organikë janë 269 gjyqtarë.

✚ Në gjykatat e apelit, sipas dekretit janë 102 gjyqtarë, në organikë janë 70 gjyqtarë.

- Sa është numri i gjyqtarëve që kanë aplikuar për vendet vakante ?

Në lidhje me numrin e kandidatëve për çdo pozicion të shpallur në gjykatat e shkallës së parë dhe të apelit, ju bëjmë me dije se për këto vende vakante kanë kandiduar 30 gjyqtarë. Informacioni i plotë gjendet në faqen zyrtare të internetit të Këshillit të Lartë Gjyqësor:

<http://klgj.al/njoftim-per-shpalljen-e-procedures-se-ngritjes-ne-detyre-ne-gjykatat-e-per-shpalljen-e-hapjes-se-procedures-se-ngritjes-ne-detyre-ne-gjykatat-e-apeleve>

<http://klgj.al/njoftim-per-shpalljen-e-procedures-se-ngritjes-ne-detyre-ne-gjykatat-e-posacme/>

Ndërsa numri i përgjithshëm i gjyqtarëve në Gjykatën e Lartë parashikuar në Ligjin organik nr. 8588, datë 15.03.2000, “Për organizimin dhe funksionimin e Gjykatës së Lartë në Republikën e Shqipërisë”, i ndryshuar, (tashmë i shfuqizuar) është 19 gjyqtarë, aktualisht ushtrojnë detyrën dhe japin vendime ⁷ gjyqtarë.

¹ Pas përfundimit të procedurës së përzgjedhjes së kandidatëve nga radhët e juristëve të spikatur për në Gjykatën e Lartë, për tre nga katër pozicione të shpallura, u finalizua me miratimin nga Këshilli dhe dërgimin e propozimit tek Presidenti i Republikës së Shqipërisë, të tre kandidaturave të cilat u emëruan nga ana e tij. Ndërsa pas

Këshilli i Lartë Gjyqësor ka hapur dhe rihapur procedurat për ngritjen në detyrë, për 21 pozicione, në të 6 gjykatat e apelit të juridiksionit të përgjithshëm, për të cilat kanë kandiduar 26 gjyqtarë. Aktualisht, Këshilli i Lartë Gjyqësor ka bërë verifikimin paraprak të plotësimit nga kandidatët të tre kritereve formale të kandidimit, si dhe është në proces për vlerësimin etik dhe profesional për të gjithë kandidatët. Vendimet përkatëse gjenden në faqen zyrtare të internetit të Këshillit të Lartë Gjyqësor, në rubrikën “vendime”, në kategorinë “akte administrative individuale”: <http://klgj.al/akte-administrative-individuale>

- A rrezikohet funksionaliteti i GJKKO, në shkallë të parë dhe apel, në kushtet kur 4 gjyqtarë 2 nga shkalla e parë dhe 2 nga apeli, pritet të emërohen në gjykatën e lartë ?

Në lidhje me funksionalitetin e Gjykatave të Posaçme për Korrupsionin dhe Krimin e Organizuar, ju informojmë se Këshilli i Lartë Gjyqësor ka ndërmarrë të gjitha hapat për të mundësuar funksionalitetin e plotë të tyre.

Gjykata e Posaçme të Apelit për Korrupsionin dhe Krimin e Organizuar, filloi funksionimin e saj me 6 gjyqtarë në detyrë, ndërsa numri i përgjithshëm i gjyqtarëve të kësaj gjykate është 11, e përcaktuar kjo me Vendimin e Këshillit nr.286, datë 18.12.2019, bazuar në numrin minimal që përcakton Ligji nr. 98/2016² “Për organizimin e pushtetit gjyqësor në Republikën e Shqipërisë”.

Pranë kësaj gjykate, dhe menjëherë pas emërimeve në Gjykatën e Lartë, ushtronin detyrën vetëm 3³ nga 6 gjyqtarë që nisën fillimisht detyrën më 18.12.2019. Me qëllim plotësimit e kësaj gjykate, Këshilli i Lartë Gjyqësor, ka hapur procedurën për plotësimit e vendeve vakante për 6 pozicione të lira, ku konstatohet se ka pasur një numër shumë të vogël kandidimesh. Për 3 (tre) nga 6 pozicionet e hapura ka pasur vetëm nga një kandidaturë për pozicion. Për këto tre kandidatë aplikant Këshilli ka kryer me urgjencë të gjitha procedurat ligjore të si dhe një verifikim të thelluar të kushteve dhe kritereve të emërimit. Për rrjedhojë në mbledhjen e datës 29.03.2021, Këshilli vendosi miratimin e renditjes së kandidatëve për tre pozicionet e lira. Bazuar në renditjen e tyre sipas kritereve ligjore, Këshilli vendosi në mbledhjen e datës 02.04.2021 (vendim nr.140) ngritjen në detyrë të njërit prej tyre për një pozicion ndërkohë që vijojnë dhe procedurat për ngritjen në detyrë, për dy pozicionet e tjera. Pra, aktualisht kjo gjykatë funksionon me 4 gjyqtarë dhe brenda muajit prill është e pritshme që të plotësohet dhe me 2 gjyqtarë të tjerë duke e çuar numrin e gjyqtarëve në 6.

Për 3 (tre) pozicionet e tjera për të cilat nuk ka pasur kandidatë është parë e nevojshme që procedurat të shpallen dhe rihapen disa herë. Për më tepër shih linkun: <http://klgj.al/njoftim-per-shtyp-date-2-prill-2021/>

Në Gjykatën e Posaçme të Shkallës së Parë për Korrupsionin dhe Krimin e Organizuar, në fillim të ushtrimit të veprimtarisë së saj kanë qenë në detyrë 11 gjyqtarë, ndërsa numri i përgjithshëm i gjyqtarëve të kësaj gjykate është 16⁴ dhe kjo përcaktuar me Vendimin e Këshillit nr.286, datë 18.12.2019, në numrin minimal që përcakton Ligji nr. 98/2016 “Për organizimin e pushtetit gjyqësor në Republikën e Shqipërisë”.

përfundimit të procedurave të ngritjes në detyrë për 4 nga 11 pozicione të shpallura, Presidenti i Republikës emëroi pas propozimit të Këshillit 4 anëtarë gjyqtarë pranë kësaj gjykate.

²² shkronja “ç”, pika 4, e nenit 15.

³ Dy gjyqtarë janë emëruar së fundmi pranë Gjykatës së Lartë ndërsa një tjetër është shkarkuar nga detyra me vendim të KPK.

⁴ shkronja “c”, pika 4, e nenit 15.

Për funksionimin e plotë të kësaj gjykate, Këshilli ka shpallur fillimisht 5 pozicione të lira. Duke qënë se vetëm për një pozicion kishte një kandidat dhe për 4 pozicionet e tjera të lira nuk kishte aplikime Këshilli ka vendosur përsëri shpallen dhe rihapjen e vakancave. Në kushtet kur përsëri nuk kishte asnjë kandidatë për këto 4 pozicione si dhe pas krijimit të një pozicioni tjetër të lirë si pasojë e shkarkimit të një gjyqtari nga KPK, Këshilli njoftoi 5 pozicione të lira (rihapi 4 pozicione dhe hapje 1 pozicion), ku për njërin prej tyre kandidoi një kandidat.

Pra, aktualisht për dy pozicione pranë Gjykatës së Posaçme të Shkallës së Parë për Korrupsionin dhe Krimin e Organizuar, ka nga një kandidat ndërsa për 4 pozicione nuk ka asnjë kandidatë.

Një nga kandidatët pritet që të caktohet në detyrë brenda muajit prill. Ndërkohë që për kandidatin tjetër ende nuk ka përfunduar procesi i rivlerësimit kalimtar dhe kjo pavarësisht se për të është kërkuar trajtimi me përparësi i procedurës së rivlerësimit kalimtar. Duke qënë se ky proces nuk ka mbaruar ende dhe Këshilli është në pritje të përfundimit të procesit të rivlerësimit kalimtar me qëllim përfundimin e procedurës së emrimit.

Përveç veprimtarisë së mësipërme, Këshilli i Lartë Gjyqësor, duke qënë i vetëdijshëm për situatën e krijuar dhe mungesën e burimeve njerëzore në gjykata vecanërisht në nivelin e gjykatave të apeleve, me qëllim adresimin e problematikave, ka dërguar pranë Ministrisë së Drejtësisë (në shtator të vitit 2020) projekt-propozimin për miratimin e hartës e re gjyqësore. Aktualisht, ky produkt i përgatitur nga një grup ndërinstytucional pune është në proces konsultimi me Ministrinë e Drejtësisë e cila ka një qasje tjetër në lidhje me rikonfigurimin e gjykatave në rang vendi. Me miratimin e hartës së re gjyqësore, veç minimizimit të kostove dhe pasojave që sjell rivlerësimi kalimtar, KLGJ-ja synon rritjen e efikasitetit të gjykatave, përmirësimin e shpejtësisë së gjykimit dhe aksesit në drejtësi të qytetarëve.

Ju faleminderit për bashkëpunimin!